



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 2. Concilium Tolosanum. Manichœi.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. tam contra se Excommunicationis sen-
 A C. 1119. tentiam in Conciliis Coloniensi & Fritz-
 Ab. Ursper. lariensi confirmasse, ac Principes Germa-
 m. 1119. niæ paulo post Comitia Herbipoli cele-
 branda indixisse, quibus nisi interesset
 Imperator, a regno deponeretur. Hen-
 ricus, acceptis his literis, furiose indi-
 gnans, copiis in Italia cum Imperatrice
 uxore sua relictis, strenue confecto iti-
 nere, in Germaniam pervenit, cum mi-
 nime expectaretur. Ipso presente bel-
 lum restauratur; unde compulsus est
 Comitia generalia Episcoporum & Prin-
 cipum Triburiæ celebrare, promisitque,
 se Episcopis Principibusque circa omnia,
 quæ sibi objiciebantur, satisfactorum.
 In illis Comitibus pax quidem inita, sed
 non satis solidis fundamentis nixa. Ad-
 fuere Romani, Viennenses, multarumque
 aliarum Ecclesiarum Legati, qui novam
 Callisti Papæ electionem confirmarunt,
 omnes Episcopi Germaniæ Pontifici obe-
 dientiam polliciti sunt, approbaruntque
 consilium Synodum ad Festum S. Lucæ
 celebrandi, & Imperator se quoque ad
 pacandam universam Ecclesiam adfutu-
 rum edixit.

§. II.

Concilium Tolosanum. Manichæi.

Interim, priusquam advenisset tempus
 Concilii, quod Remis cogendum erat,
 Calli-

Callistus Papa aliud Tolosæ, decima ter- Sæcul. XII.
 tia Junii convocavit, cui interfuere Car- A.C.1119.
 dinales, Episcopi, & Abbates ex Gothia, to. 10. p. 856.
 seu Occitania, Vasconia, Hispania, &
 Britannia, atque inter alios Cono Epi-
 scopus Prænестinus, Lambertus Ostien-
 sis, Oldegarius Archiepiscopus Tarraco-
 nensis, Bernardus Ausciensis, Atto Are-
 latensis, Fulco Aquensis, Richardus Nar-
 bonensis, Walterus Episcopus Magalonen-
 sis & Raimundus Barbastrensis. In
 eo Concilio decem Canones conditi,
 quos inter nullus memoratu dignior
 quam tertius; est vero hujusmodi: *Por-
 ro eos, qui Religionis speciem simulantes
 Dominici Corporis & Sanguinis Sacra-
 mentum, puerorum Baptisma, Sacerdoti-
 um, ceteros Ecclesiasticos Ordines, & le-
 gitimarum damnant fœdera nuptiarum,
 tanquam hæreticos ab Ecclesia Dei pelli-
 mus & damnamus, eosque a potestate Sæ-
 culari coerceri præcipimus. Defenso-
 res quoque ipsorum, nisi resipuerint, ejus-
 dem damnationis vinculo innodamus.* Prin-
 cipes aut quicumque Laicus Bona Epi- 6. 4.
 scopi defuncti non diripiant. Si quis 6. 10.
 Monachorum, Canonicorum aut Cleri-
 corum ad Sæculum, abjecta sua profes-
 sione, redierit, aut Barbam capillosque
 more Laicorum nutrierit, Ecclesiæ Com-
 munionem privetur.

Dd 3

Porro

Sæcul. XII.

A.C. 1119.

Sup. lib.

LVIII. §.

53. l. LIX.

§. 5.

Porro Hæretici, in hoc Concilio damnati, erant Sectatores Petri de Bruis & Henrici ejus discipuli, de quibus infra sermo recurret, Manichæorum peste infecti, quemadmodum & illi, qui annis abhinc centum in ipsa civitate Tolosana, Aureliani, & Attrebatii, deprehensi fuerant, ex Italia advenæ. Recentiores isti eandem in rei summa Doctrinam, paucis mutatis, tenebant.

§. III.

Legatio ad Imperatorem adornatur.

Comm. He- **U**t viam redituræ paci sternerent, quæ
son. to. 10. in Concilio Remensi inter Ecclesiam
Conc. p. 872. & Imperium reducenda erat, Guilielmus de Campellis, Episcopus Catalaunensis & Pontius Abbas Cluniacensis Argentoratum ad Imperatorem perrexerunt; cui percontanti & consilium expetenti, quibus conditionibus pacis fœdera recipere, salva auctoritate suprema, posset? respondit Episcopus: *Domine, si pacem sinceram, & perpetuam vis, Investituræ Episcoporum & Abbatum simpliciter renunciandum tibi est. Ne vero credas, ita tibi aliquid de Regia potestate detractum iri; ego enim in Regno Franciæ ad Episcopatum electus nec ante nec post consecrationem quidquam de manu Regis accepi; nihilominus si spectentur tributa, militia, ceteraque jura, quibus Respublica frue-*
tur,